

Bomba **periksa** flat sekitar ibu kota

Oleh Raja Noraina Raja
Rahim

rnoraina@hmetro.com.my

Kuala Lumpur

Satu pasukan khas ditubuhkan Jabatan Bomba dan Penyelamat Malaysia (JBPM) Kuala Lumpur bagi memeriksa tahap keselamatan kebakaran perumahan awam (PA) di sekitar pusat bandar.

Pengarah JBPM Kuala Lumpur Muhammad Salleh Abdul berkata, sebanyak 122 blok perumahan berusia lebih 30 tahun akan diperiksa menerusi Op Sri PA yang bermula semalam hingga 29 Februari.

Menurutnya, seramai 70 pegawai dan anggota dibahagikan kepada empat pasukan yang akan menjalankan pemeriksaan secara serentak setiap hari selama lapan hari.

“Usaha ini dilaksanakan susulan kes kebakaran membabitkan lima unit rumah di tingkat 17, Blok 70 Flat Sri Sabah yang berlaku pada 11 Februari lalu.

“Kita (JBPM) merangka satu tindakan proaktif bagi mengelakkan kejadian sama berulang dengan pemeriksaan keselamatan



ANGGOTA Jabatan Bomba dan Penyelamat Malaysia (JBPM) Kuala Lumpur melakukan pemeriksaan penggunaan hos pili memadam kebakaran selepas pelancaran Pelaksanaan Taskforce Ops Sri PA Pemeriksaan Perumahan Awam DBKL di Flat Sri Sabah, Cheras. - Gambar NSTP/AIZUDDIN SAAD

kebakaran terhadap perumahan awam Dewan Bandaraya Kuala Lumpur (DBKL) yang berusia lebih 30 tahun.

“Sebarang penemuan atau kelemahan yang ditemui akan dimaklumkan kepada DBKL dan pihak pengurusan.

“Hasil laporan itu, tindakan segera akan diambil oleh pihak bertanggungjawab,” katanya dalam si-

dang media pada Majlis Pelancaran Task Force Op Sri PA di Flat Sri Sabah, Cheras di sini, semalam.

Turut hadir Pengarah Eksekutif (Pembangunan Sosioekonomi) DBKL, Ismadi Sakirin.

Mengulas lanjut, Muhammad Salleh berkata, penubuhan task force itu bertujuan memastikan perumahan awam memenuhi keperluan minimum ke-

selamatan kebakaran dan sistem pemasangan keselamatan kebakaran sedia ada berfungsi serta berada dalam keadaan baik.

Malah, katanya, ia juga bagi memastikan penambakan dalam aspek keselamatan kebakaran berdasarkan peruntukan undang-undang dan kesiapsiagaan penghuni dalam menghadapi sebarang insiden.